

Na osnovu člana 138. stav (3) Zakona o bankama („Službene novine Federacije BiH“, broj 27/17), čl. 5 stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije BiH („Službene novine Federacije BiH“, broj 03/18), Upravni odbor Agencije za bankarstvo Federacije Bosne i Hercegovine, na sjednici održanoj dana 17.12.2024. godine donosi

## **ODLUKU O IZMJENAMA I DOPUNAMA ODLUKE O POSTUPKU SUPERVIZORSKOG PREGLEDA I PROCJENE BANKE**

### **Član 1.**

U Odluci o postupku supervizorskog pregleda i procjene banke („Službene novine Federacije BiH“, broj 94/21), u članu 2., stav (2), iza riječi: „ILAAP-a“, dodaje se zarez i riječi: „te rezultate provedenog nadzornog testiranja otpornosti na stres“.

### **Član 2.**

U članu 8. stav (1) iza tačke b) dodaje se nova tačka c) koja glasi:

„c) rezultate provedenog nadzornog testiranja otpornosti na stres.“.

### **Član 3.**

(1) U članu 13. iza stava (4) dodaje se novi stav (5) koji glasi:

„(5) Adekvatnost kapitala u uslovima stresa procjenjuje se provođenjem postupka nadzornog testiranja otpornosti na stres, pri čemu se rezultati provedenog nadzornog testiranja otpornosti na stres koriste za utvrđivanje kapitalnih preporuka za banku (engl. Pillar to guidance – P2G).“.

(2) Dosadašnji stav (5) postaje stav (6).

(3) U tabelarnom pregledu dosadašnjeg stava (5) koji je postao stav (6), u redu: „1“, kolona:

„Kriteriji“, iza 5. alineje dodaje se nova alineja koja glasi:

„- Banka može bez problema ispuniti utvrđeni nivo P2G.“.

(4) U tabelarnom pregledu dosadašnjeg stava (5) koji je postao stav (6), u redu: „2“, kolona:

„Kriteriji“, iza 5. alineje dodaje se nova alineja koja glasi:

„- Banka ima poteškoća sa ispunjavanjem utvrđenog nivoa P2G. Upravljačke mjere za ublažavanje tih poteškoća smatraju se vjerodostojnim.“.

(5) U tabelarnom pregledu dosadašnjeg stava (5) koji je postao stav (6), u redu: „3“, kolona:

„Kriteriji“, iza 5. alineje dodaje se nova alineja koja glasi:

„- Banka ne ispunjava utvrđeni nivo P2G. Postoje razlozi za zabrinutost u pogledu vjerodostojnosti upravljačkih mjera za ublažavanje tih poteškoća.“.

(6) U tabelarnom pregledu dosadašnjeg stava (5) koji je postao stav (6), u redu: „4“, kolona:

„Kriteriji“, iza 5. alineje dodaje se nova alineja koja glasi:

„- Banka ne ispunjava utvrđeni nivo P2G, niti će ga moći ispuniti u bliskoj budućnosti. Upravljačke mjere za ublažavanje tih poteškoća ne smatraju se vjerodostojnim.“.

### **Član 4.**

U članu 16., iza stava (6) dodaju se novi st. (7) do (13) koji glase:

„(7) Na osnovu provedenog nadzornog testiranja otpornosti na stres Agencija može poduzeti supervizorsku mjeru utvrđivanja kapitalne preporuke (P2G). Za razliku od kapitalnih

zahtjeva iz stava (1) tačka a) ovog člana, P2G nije obavezujući, ali uslovljava dodatni supervizorski dijalog u cilju utvrđivanja vjerodostojnog plana kapitala banke.

- (8) P2G se obezbjeđuje iz stavki redovnog osnovnog kapitala, a koje se ne koriste za ispunjavanje minimalnih kapitalnih zahtjeva iz Odluke o izračunavanju kapitala banke, dodatnih kapitalnih zahtjeva nakon SREP ocjene i zahtjeva za kombinovani zaštitni sloj kapitala.
- (9) U zavisnosti od rezultata nadzornog testiranja otpornosti na stres, Agencija raspoređuje banku u jednu od četiri grupe sa unaprijed definisanim P2G rasponom, pri čemu se za utvrđivanje konačnog P2G u razmatranje uzima i sveobuhvatna ocjena rizičnog profila i održivosti banke:

| <b>Grupa</b> | <b>Smanjenje stope redovnog osnovnog kapitala u stresnom scenariju</b> | <b>P2G raspon za stopu redovnog osnovnog kapitala</b> |
|--------------|--|---|
| Grupa 1      | 0% - 3%  | 0% - 1%   |
| Grupa 2      | 3% - 6%  | 0,5% - 2%   |
| Grupa 3      | 6% - 9%  | 1% - 2,75%  |
| Grupa 4      | >9%  | >1,75%  |

- (10) Kada regulatorni kapital banke padne ili je vjerovatno da će pasti ispod nivoa određenog P2G, banka je o tome dužna obavijestiti Agenciju bez odlaganja, te u roku od 30 dana Agenciji dostaviti revidirani plan kapitala sa mjerama za ponovnu uspostavu usklađenosti sa P2G.
- (11) Ako nivo regulatornog kapitala padne ispod nivoa P2G, u okolnostima u kojima se ostvare rizici za čije pokriće služi P2G, Agencija može dopustiti banci da privremeno posluje ispod nivoa P2G, pod uslovom da ocijeni da je revidirani plan kapitala vjerodostojan.
- (12) Ako nivo regulatornog kapitala padne ispod nivoa P2G kao posljedica ostvarenja rizika za čije pokriće P2G ne služi, očekuje se da banka podigne nivo regulatornog kapitala na nivo P2G unutar odgovarajućeg vremenskog okvira.
- (13) Ako banka zanemari P2G, ne uključi ga u okvir upravljanja rizicima ili ne dostigne dovoljan iznos regulatornog kapitala za ispunjavanje P2G u utvrđenim rokovima, Agencija može prema banci poduzeti i druge supervizorske mjere.“.

#### **Član 5.**

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-31-02/24**  
**Sarajevo, 17.12.2024. godine**

**PREDSJEDNICA**  
**UPRAVNOG ODBORA**

**Ivanka Galić, dipl.ecc., s.r.**